



SAKSFRAMLEGG

Sakshandsamar: Marianne Soleng	Arkivkode: FE-033
Arkivsaksnr: 23/156	Løpenr: 23/1526
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	23.02.2023	002/2023

Faste saker

23.02.2023 Kommunestyret:

Handsaming i møtet:

Eventuelle merknader til protokoll frå førre møte:

Ingen merknader.

Interpellasjonar:

Ordførar Knut Harald Frøland (Bl) viste til interpellasjonane (spørsmåla) frå Frp til møtet, og foreslo at handsaminga av desse vart flytta til slutten av møtet. Kommunestyret slutta seg til dette.

Orientering om felles kontaktsenter:

Ordførar Knut Harald Frøland orienterte om ei sak i Kommunal Rapport om dei positive erfaringane med felles kontaktsenter for kommunane Samnanger, Gulen og Osterøy. Etter dette orienterte avdelingsleiar ved servicesenteret, Marianne Soleng, om kontaktsenteret.

Orientering om Haraldsplass Diakonale Sjukehus:

Orientering ved adm. direktør Kjerstin Fyllingen og klinikkdirktør Åse Nordstrønen. Dei svara òg på spørsmål frå kommunestyret. Presentasjonen som vart vist i møtet, følgjer som vedlegg til møteprotokollen.

Orientering om lokalavisa Samningen:

Orientering ved redaktør Hallvard Tysse. Presentasjonen som vart vist i møtet, følgjer som vedlegg til møteprotokollen.

Ordføraren orienterer:

- **Solidaritetsmarkering for Ukraina på Bjørkheim 24.02.2023.** Kort orientering om

arrangementet.

Økonomisk støtte til Flyktningehjelpen:

Ordførar Knut Harald Frøland orienterte om oppmoding frå Hitra kommune til andre kommunar om å gje økonomisk støtte på 10 kroner per innbyggjar til Flyktningehjelpen sitt arbeid i samband med jordskjelvet i Tyrkia og Syria. Ordføraren spurde om kommunestyret kunne støtta at Samnanger kommune gir 25 000 kroner til Flyktningehjelpen, med finansiering frå disposisjonsfondet. Kommunestyret slutta seg samrøystes til dette.

Rådmannen orienterer:

Orientering ved kommunalsjef oppvekst, Bodil H. Øpstebo:

- **Tre elevar ved Samnanger barneskule er best i vest i koding.** Orientering om sak i Samningen 23.02.2023.
- **Gratisprinsippet i skulen.** Svar på spørsmål stilt av Gunn Østvik Petersen (Ap) i kommunestyret 08.12.2022.
- **Elevundersøking 7. og 10. trinn.** Presentasjon av resultat av elevundersøking på 10. og 7. trinnet. Kopi av presentasjonen følger som vedlegg til møteprotokollen.

Orientering ved kommunalsjef helse og omsorg, Edith Oma:

- **Legevaktsamarbeid.** Informasjon om dialog med Bergen og Osterøy om mogleg felles legevakt i Åsane.
- **Utleige av sjukeheims plassar til nabokommune.** Informasjon om utleige av fire sjukeheims plassar i 1995-bygget på Samnangerheimen.
- **Ny barnevernsleiar.** Laila Grønn-Jensen er tilsett som ny barnevernsleiar. Ho startar i stillinga i mai.
- **Bemanningssituasjonen i barnevernet.** Kort orientering om bemanningssituasjonen.
- **Helseundersøkingar for flyktningar.** Svar på spørsmål stilt av Gunn Totland Moss (KrF) i formannskapet 09.02.2023.
- **Arbeidskle og klesgodtgjerse for tilsette i heimetenestene.** Svar på spørsmål stilt av Lena Tveit (Bl) i formannskapet 09.02.2023.

Orientering ved kommunalsjef økonomi og organisasjon, Karl Viken:

- **Rekneskap 2022.** Orientering om rekneskapen for 2022.
- **Økonomirapportering 2023.** Informasjon om planlagde rapporteringar i 2023.

Spørsmål:

Høyring av Energikommisjonen sin rapport – NOU 2023:3

Øyvind Strømmen (MDG) spurde om sak om høyringsuttale til NOU 2023:3 (Energikommisjonens rapport) vil koma til handsaming i kommunestyret. Rådmann Ove Sæbø orienterte om at administrasjonen tek sikte på å leggja fram saka i neste møterunde.

Bruk av 1995-bygget på Samnangerheimen

Solveig Vassenden (Bl) viste til orienteringa om utleige av fire sjukeheims plassar i 1995-bygget på Samnangerheimen, og spurde om avgjerd om kva målgrupper som skal plasserast på 1995-bygget ikkje skal takast av kommunestyret. Ho viste i samband med dette til vedtak i eldrerådet om deira ønske om bruken av 1995-bygget. Rådmannen kunne ikkje svara på spørsmålet om avgjerdsmynde.

Pårørandeutval ved Samnangerheimen

Solveig Vassenden tok opp at det er stort behov for eit pårørandeutval ved Samnangerheimen. Kommunalsjef Edith Oma svara.

Avviksrapportering

Monica Tjønnå (Uavh) etterlyste avviksrapportering til kommunestyret. Rådmann Ove Sæbø svara og

orienterte om at avviksrapportar i dag blir lagt fram for arbeidsmiljøutvalet. Ordføraren og rådmannen vil avklara korleis avviksrapportering til kommunestyret skal gjennomførast.

Morsmålsopplæring for elevar frå Ukraina

Linda Haug Kollbotn (Frp) spurde om kva planar kommunen har for morsmålsundervisning for elevar frå Ukraina hausten 2023. Kommunalsjef Bodil H. Øpstebo svara.

Norskopplæring for flyktningar frå Ukraina

Linda Haug Kollbotn (Frp) spurde om det er planar om å tilby norskopplæring i Samnanger, i staden for i Bergen. Kommunalsjef Bodil H. Øpstebo svara.

Vegvedlikehald på Tveit

Linda Haug Kollbotn (Frp) spurde om det er planlagt vedlikehald eller utbetring av den kommunale vegen på Tveit (Tveitaflatane). Kommunalsjef Hilde-Lill Våge svara.

Snøbrøyting i idrettsanlegget i Hagabotnane

Oskar Røen (MDG) viste den nye ordninga med snøbrøyting av kunstgrasbanen i Hagabotnane, og orienterte om at han har fått klage frå brukarar av løpebanen (friidrettsanlegget) på at dei ikkje kan bruka anlegget fordi snøen blir brøyt ut i løpebanen. Han oppmoda om at snøen ikkje blir lagt i løpebanen.

Samrøystes vedtak.

KS- 002/2023 Vedtak:

Orienterings-/referatsaker vert tekne til orientering.

Rådmannen sitt framlegg til vedtak:

- Orienterings-/referatsaker vert tekne til orientering.

Oversikt over faste saker:

Eventuelle merknader til protokoll frå førre møte.

Orienterings-/referatsaker.

Utvalet sitt kvarter.